



**IBADAH JUMAT AGUNG
GKPI DAME Dr. IL. NOMMENSEN
RESORT SAIT NIHUTA
JUMAT, 2 APRIL 2021**

1. Marende BE. 86:1-3 [BL. 67] ayat 3 Ruas Jongjong

2. Votum

P : Di bagasan goar ni Debata ama dohot Anak-Na TUhan Jesus Kristus, dohot Tondi Parbadia.

R : Amen!

Manopoti Dosa

P : Angka dongan na hinaholongan, tapajonok ma dirinta tu Tuhanta sian roha na ias. Taparhatopot ma sude dosanta tu ibana jala tapangido ma hasesaan ni dosanta marhitehite Tuhan Jesus Kristus parasiroha i. langgo Pangurupion di hita ima di bagasan goar ni Jahowa.

R : Sitompa langit dohot tano on.

P : Ale Debata Ama pargogo na so hatudosan, Si tompa jala Sitobus hami, pardosa do hami jala tung so tama do hami jongjong di adopan-Mu. Nunga mardosa hami tu Ho di bagasan pikiran, di hata ro di pambahenannami pe. Dibahen i do umbahen na ro hami tu Ho mangido hasesaan ni dosanami ala ni Anak-Mu Tuhan Jesus Kristus Tuhannami.

R : Ale Amang, asi ma rohaM di ahu pardosa na lea on. Paimbaru ma rohangku dibagasan TondiM jala urupi ma ahu asa mulak tu Ho. Tangihon ma tangiangku di bagasan Jesus Kristus Anak-Mu, na manaon naporsuk jala mate humophop ahu. Amen.

P : Bagabaga ni Debata taringot tu hasesaan ni dosa: (Agenda GKPI)

3. Marende : BE. 407:1-2 [BL. 271] ayat 2 ruas Jongjong

4. Introitus

P : Na gabe pangoloi do Kristus paima mate, pola tung mate, tarsilang. Di dia angka soropmi, ale hamatean? Di dia hamagoanmu, ale banua toru? " Haleluya!"

R : Hasangapon ma di Debata Ama, Anak, dohot Tondi Parbadia, sian mulana, nuaeng ro di salelenglelengna. Amen. .

5. Kyrie Elleison

P : Tuhan, Asima rohaM di hami

R : Tuhan, Asima rohaM di hami

P : Kristus, Asima rohaM di hami

R : Kristus, Asima rohaM di hami

P : Tuhan, Asima rohaM di hami

R : Tuhan, Asima rohaM di hami

6. Hasangapon ma di Ginjang

P : Hasangapon ma di Debata di ginjang

R : Dame ma di tano on, di angka jolma halomoan.

7. Tabe & Tangiang Kolekta :

P : Tuhan mandongani ho

R : Dohot mandongani ho

P : Martangiang ma hita: Ale Amang Parasiroha na sumurung, tung balga do asi rohaM di hami. Sian roha na bagas hurajumi hami do sitaonon na niahap ni Anak-Mu di hami saleleng di ngolu-Na di tano on. Sadari on hupanghilalahon hami do muse sitaonon na mansai hansit sahat tu hamamate-Na di hau pinorsilang i. Tung mansai longang situtu do rohanami ala ni asi ni rohaM dohot paneahonon ni diri-Na holan humophop isi ni portibion. Sai Tondi-Mi ma pabasar rohanami laho manjangkon asi ni roham marhite angka bugang singkat ni uhuman ala ni dosa dohot pangalaosionnami, asa anggiat lam huargahon jala huhaporseai hami ulaon haluaon napinasahat-Mu di bagasan Jesus Kristus Anak-Mi. Amen (Ruas Hundul)

6. Koor

7. Marende BE. 77:3-4 [BL. 65]

8. Epistel: Psalmen 22:2-12

P : Tabege ma hata ni Debata patujolo ni Jamita di Minggu sadari on, I ma na tarsurat di

“Martua ma angka na umbege hata ni Debata jala na umpeopsa.”

R : *(Mangendehon)* Haleluya, Haleluya, Haleluya.....

9. Marende BE. 86:1+3 [BL. 67] ayat 3 Ruas Jongjong

10. Manghatindahon Haporseaon

11. Marende. BE. 449:1-2 [BL. 300]

12. Boaboa Na Jempek

13. Tangiang Pangondianon

14. Marende BE. 412:1+3 [BL. 387]

15. Jamita: Lukas 23:44-48

16. Marende BE. 153:1-2 [BL. 126] (Ayat 2, Ruas Jongjong)

17. Tangiang Pangaradeon

P : Ale Debata na Badia, Amanami na manongtong do Ho jala Pargogo na so hatudosan. Tung tama do hami pasahathon pujipujiannami tu Ho ganup ari manang di dia pe hami maringan. Tunga mansai godang do asi ni rohaM jala parpamuatonMu di hami, songon naung tangkas tarida marhite parungkilon dohot hamamate ni Jesus Kristus, Anak haholongan ni rohaM. Nunga diporsan Ibana dosanami tu daging-Na di

hau pinorsilang i, asa hami naung mate di bagasan dosa, mangolu di bagasan hasintongan. Alani i, rap dohot angka surusuruan-Mu nang angka halak na pinarbadaian-Mi, hupuji hami ma goar-Mu na badia i.

R : Na badia, na badia, na badia do Tuhan Sitompa saluhutna, gok hamuliaon-Na do langit dohot tano on. Hosianna ma di ginjang. Pinasupasu ma na ro marhitehite goar ni Tuhan i. Hosianna ma di ginjang. ^(Ruas Hundul)

18. Padirihon Parpadanan Na Badia

P : Hamu na hinaholongan, di bagasan unduk dohot serep ni roha, tatangihon jala taauhon ma tona ni Tuhan Jesus di na laho padirihon Parpadanan na Badia i.

Dibuat Tuhan Jesus ma sagusagu bornginna i uju tarjehe Ibana, didok ma mauliate, diponggoli ma i, diparlehon ma tu angka sisean-Na huhut ma didok: "Jalo hamu ma on, jala pangan ma, daging-Ku do i na nilehon tu hamatean humophop hamu. Bahen hamu ma songon i bahen parningotan di Ahu." *(Mateus 26:26; Markus 14:22; Lukas 22:19; 1 Korint 11:23-24).*

Jadi dung sun nasida mangan, dibuat ma panginuman i, didok ma mauliate, dung i didok ma tu nasida: "Jalo hamu ma, sude hamu manginum sian i, ia panginuman on padan na imbaru ma on marhitehite mudar-Hu, na niusehon humophop hamu bahen hasesaan ni dosa. Sai bahen hamu ma songon i bahen parningotan di Ahu." *(Mateus 26:27-28; Markus 14:23-24; Lukas 22:20; 1 Korint 11:25).*

19. Joujou Tu Parpadanan Na Badia

P : Antong, ro ma hamu, nunga rade sude! Ida jala dai hamu ma dengganbasa ni Debata. ^(Ruas Jongjong)

(Ro ma sintua manaruhon roti tu ganup ruas. Hot ma ruas jongjong di ingananna be. Unang manigor dipangan roti i. Rap manganhon ma ruas dung jumolo didok Pandita hombar tu na tarsurat di toru on)

Didok Tuhanta Jesus Kristus:

Jalo hamu ma on, jala pangan ma, daging-Ku do i, na nilehon tu hamatean humophop hamu.

I ma na mangaramoti jala pahothon rohamuna mangkaporseai Ibana, asa di hamu hangoluan na so ra suda. Amen.

(Ro ma sintua manaruhon anggur tu ganup ruas. Hot ma ruas jongjong di ingananna be. Unang manigor diinum anggur i. Rap manginum ma sude ruas dung jumolo didok Pandita hombar tu na tarsurat di toru on)

Didok Tuhanta Jesus Kristus:

Jalo hamu ma on, jala inum hamu sian i, mudar-Hu do i na niusehon humophop hamu, bahen hasesaan ni dosamuna.

I ma na mangaramoti jala pahothon rohamuna mangkaporseai Ibana, asa di hamu hangoluan na so ra suda. Amen.

20. Marende BE. 78: 1-2 [BL. 158]

21. Pujipujian Hamauliateon

P : Di bagasan las ni roha dohot roha mauliate, tapuji ma Tuhanta Pardenggan basa jala Parasi roha i, martangiang ma hita:

Puji ma Jahowa ale tondingku, jala na sa rohangku di bagasan mamuji goar-Na na badia i. Puji ma Jahowa ale tondingku, jala unang tung halupahon denggan ni basa-Na sudena. Ibana do manesa dosam sudena, Ibana pamalum angka sahitmu sudena. Ibana paluahon ngolum sian hamagoan, Ibana martumpalhon tu ho denggan basa dohot asi ni roha.

Ale Tuhan Debata Amanami! Parasi roha jala Pardenggan basa do Ho, lambat tarrimas jala parasi roha godang. Ndang dibahen Ho tu hami hombar tu angka dosanami, jala ndang dibaloshon Ho tu hami hombar tu angka hajahatonnami. Songon dao ni habinsaran sian hasundutan dipadao Ho do sian hami angka dosanami. Songon asi ni roha ni angka ama di anakonna, songon i do asi ni rohaM di angka na manghabiari Ho.

Antong mauliate ma rohanami tu Ho, ala naung dilehon Ho tu hami arta na sumurung i, i ma hangoluan na salelenglelengna, di bagasan Jesus Kristus Tuhannami. Di Ho ma tama pujipujian, dohot hamuliaon, ro di hasangapon, salelenglelengna. Amen.

22. Marende BE. 83: 3 [BL. 214]

23. Ayat Pelean: 5 Musa 12:11

20. Tangiang Pelean + Ende Pelean: BE. 470:5 [BL. 317]

22. Ale Amanami + Pasu Pasu

23. Amen-Amen-Amen